



Broj: 06-1-07-3-1503/16
Sarajevo, 29.12.2016. godine

Na osnovu člana 2.9 stav (1) tačka 9, a u vezi sa članom 13.10 i članom 13.5 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16) i Poglavlja VI. Uputstva o postupku provedbe posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14 i 90/16), Centralna izborna komisija Bosne i Hercegovine je na 99. sjednici, održanoj 29.12.2016. godine, donijela

ODLUKU

o utvrđivanju rezultata posrednih izbora i dodjeli mandata iz Općinskog vijeća Stari Grad Sarajevo za Gradsko vijeće Grada Sarajeva

(1) Centralna izborna komisija Bosne i Hercegovine utvrđuje rezultate posrednih izbora za Gradsko vijeće Grada Sarajeva iz Općinskog vijeća Stari Grad Sarajevo, kako slijedi:

1. kandidatska lista grupa vijećnika Lista za Grad Sarajevo Skaka, Deljković, Škaljić, Šegić, osvojila je **pet (5)** glasova,
2. kandidatska lista grupa vijećnika I.NL, osvojila je **pet (5)** glasova,
3. kandidatska lista grupa vijećnika SDP BiH, osvojila je **pet (5)** glasova,
4. kandidatska lista grupa vijećnika-Denis Stojnić, Dado Stojnić, Sanel Dragolovčanin, Amar Trbović, osvojila je **četiri (4)** glasa,
5. kandidatska lista grupa vijećnika: Vedran Dodik, Alma Jašarević i Minela Alić, osvojila je **četiri (4)** glasa,
6. kandidatska lista političke stranke Naša Stranka, osvojila je **četiri (4)** glasa,
7. kandidatska lista političke stranke Stranka demokratske akcije, osvojila je **četiri (4)** glasa,
8. kandidatska lista grupe vijećnika Katica S i Skorupan J, nije osvojila **nijedan** glas, i
9. kandidatska lista političke stranke Građanski savez nije osvojila **nijedan** glas.

(2) Centralna izborna komisija Bosne i Hercegovine dodjeljuje mandate u Gradskom vijeću Grada Sarajeva iz Općinskog vijeća Stari Grad Sarajevo sljedećim vijećnicima:

1. Skaka Abdulah- Bošnjak,
2. Talić Adnan- Hrvat,
3. Miladin Almedin- Bošnjak,
4. Stojnić Dado- Srbin,
5. Dodik Vedran- Hrvat,
6. Handžić Vibor- Ostali i
7. Simonović Srđan- Srbin.

O b r a z l o ž e n j e

Općinsko vijeće Stari Grad Sarajevo je dana 27.12.2016. godine Centralnoj izornoj komisiji Bosne i Hercegovine dostavilo akt broj: 01/C-sl/16 od 27.12.2016. godine, te u prilogu istog cjelokupan materijal o provedenim posrednim izborima za Gradsko vijeće Grada Sarajeva, koji čine glasački listići, zapisnici i birački spisak.

U skladu sa članom 22. Statuta Grada Sarajeva („Službene novine Kantona Sarajevo“ br. 12/98, 14/98, 25/05, 23/08 i 32/08) svako općinsko vijeće vrši izbor po sedam (7) delegata u Gradsko vijeće.

U postupku izbora vijećnika za Gradsko vijeće Grada Sarajeva učestvovao je 31 vijećnik i imali su mogućnost dati glas za devet (9) prethodno potvrđenih i ovjerenih kandidatskih listi.

Na osnovu uvida u dostavljeni materijal utvrđeni su sljedeći rezultati:

1. kandidatska lista grupa vijećnika Lista za Grad Sarajevo Skaka, Deljković, Škaljić, Šegić, osvojila je **pet (5)** glasova,
2. kandidatska lista grupa vijećnika 1.NL, osvojila je **pet (5)** glasova,
3. kandidatska lista grupa vijećnika SDP BIH, osvojila je **pet (5)** glasova,
4. kandidatska lista grupa vijećnika-Denis Stojnić, Dado Stojnić, Sanel Dragolovčanin, Amar Trbović, osvojila je **četiri (4)** glasa,
5. kandidatska lista grupa vijećnika: Vedran Dodik, Alma Jašarević i Minela Alić, osvojila je **četiri (4)** glasa,
6. kandidatska lista političke stranke Naša Stranka, osvojila je **četiri (4)** glasa,
7. kandidatska lista političke stranke Stranka demokratske akcije, osvojila je **četiri (4)** glasa,
8. kandidatska lista grupe vijećnika Katica S I Skorupan J, nije osvojila **nijedan** glas, i
9. kandidatska lista političke stranke Građanski savez nije osvojila **nijedan** glas.

Nadalje, odredbom člana 13.10 stav (2) Izbornog zakona Bosne i Hercegovine propisano je da mandati za gradsko vijeće, odnosno skupštinu grada dodjeljuju se kandidatskim listama po sistemu proporcionalne zastupljenosti političkih stranaka, koalicija, listi nezavisnih kandidata ili grupa članova, kao što je utvrđeno u članu 13.5 ovog Zakona. Raspodjela mandata među kandidatima sa iste liste vrši se prema redoslijedu na listi kandidata za ove izbore.

U skladu sa rezultatima koje je utvrdila Centralna izborna komisija Bosne i Hercegovine i naprijed navedenim odredbama, dodijeljeni su mandati vijećnicima na način kako je to navedeno u stavu (2) dispozitiva ove odluke.

Ova odluka stupa na snagu danom donošenja i objavit će se dana 29.12.2016. godine u 16:00 sati na internet-stranici Centralne izborne komisije Bosne i Hercegovine www.izbori.ba i smatrat će se da je danom objavljivanja ista dostavljena svim učesnicima u izbornom procesu.

PRAVNA POUKA: Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objavljivanja ove odluke.

Žalba se podnosi putem Centralne izborne komisije Bosne i Hercegovine neposredno u sjedištu Centralne izborne komisije Bosne i Hercegovine, ulica Danijela Ozme broj 7, Sarajevo ili putem faks aparata na broj: 033/251-329.



Predsjednik
Dr. Ahmet Šantić